

四庫全書

史部

欽定四庫全書

史部

欽定日下舊聞考卷八十七

詳校官庶吉士臣范逢恩

檢討臣德生覆勘

總校官進士目程嘉謨

校對兼謄錄中書目葉元符

鉄

天師

飲

近日重刊考卷八十七

國朝苑囿

靜道園子

麗陽樓北度嶺為

晞陽阿其北坊座一東坊座一西為朝陽洞後為觀音

階

園冊靜宜

臣等謹按

睇陽阿為二十八景之一北坊額曰丹梯曰翠幄東坊

額曰蘿園曰秀岑朝陽洞深廣可丈餘內祀龍神
觀音閣額曰淨界慈雲皆

皇上御書

乾隆十一年

御製晞陽阿詩 逾麗矚樓而北過小嶺有石矚立虛
其中為厂可敷蒲團晏坐望香嵒來青縹緲雲外其南
數十步復有巨石卓立如偉丈夫俗呼朝陽洞曰下舊
聞不之載蓋無僧寮亭榭為遊人所忽耳命掃石壁煙

煤芟除灌穢取楚詞為之名 我初未來此霧壑爾許
深掃石坐中唐一暢平生心仰接天花落俯視飛鳥沈
自惟昔豈昔乃知今匪今

臣等謹按

晞陽阿

御製詩恭載首見之篇餘不備錄

晞陽阿北為

芙蓉坪樓宇三楹其東敞宇為靜如太古

國冊 靜宜

臣等謹按

芙蓉坪為二十八景之一鐫題于石壁間

乾隆十一年

御製芙蓉坪詩 窳北一嶂迤邐曲注宛宛如遊龍迴
繞園後昔人有云巖嶺高則雲霞之氣鮮林數深則蕭
瑟之音清兩言得園中之槩 足底生雲霞臂左招星
辰振衣千仞岡此語誠可人到來每徘徊欲去重逡巡
翹首眺青蓮堪以靜六塵

臣等謹按

芙蓉坪

御製詩恭載首見之篇餘不備錄

芙蓉坪西南為

香霧窟東南北小坊座各一東面大坊座一正宇七楹

後為竹鑪精舍其北巖間有西山晴雪石幢又北為潔

素履

園冊 靜宜

臣等謹按

欽定四庫全書

欽定四庫全書
欽定四庫全書
欽定四庫全書

香霧窟為二十八景之一即靜室也東面大坊座額曰
香圃曰琪林其前小坊座額曰虹梁曰月鏡南曰
攢蘿曰環綺北曰丹梯曰翠壑與西山晴雪石刻
皆

皇上御書西山晴雪為燕山八景之一

御製詩已恭載形勝卷內

乾隆十一年

御製香霧窟詩

歷玉華岫而上西南行陟山巔是園

中竄高處就迴峰之側為麗譙睥睨如嚴關由石磴拾級而上則山外復有羣山屏障其外境之不易窮如此人以足所至為高目所際為遠至此可自悟矣 蜚緣蘿薜煙攀陟楓杉嶺樽俎千里遙衣裳九夏冷漫嫌步履勞堪令心神屏將謂竄高處更有無窮境

乾隆十三年

御製題靜室

即香霧窟

詩

香霧窟堪稱靜室竄高處迴出

凡塵

香山室宇惟此處最高

吟哦舊句渾如昨慘淡冬山亦可人

撫柏便同參道院聽泉直欲息言津風巖木葉蕭蕭下
會待明年特地新

乾隆三十二年

御製竹鑪精舍詩 綴景偶教筠鼎施趁閒聊亦小棲

遲攀來茗椀定遵例何必如斯著相去聲為茶舍窓中

景致殊西山積雪有碑模

西山積雪為燕臺八景之一
向立碑于精舍對嶂窓中即

見前旬忽憶御園望一幃即斯展畫圖

臣等謹按

香霧窟靜室竹鑪精舍

御製詩謹繹有關紀述事實者恭載卷內餘不備錄
香霧窟南稍東為

栖月崖廳宇三楹其西宇為得趣書屋距崖半里許設

石樓門鐫題曰雲闕

靜宜園冊

臣等謹按

栖月崖為二十八景之一廳宇額曰樂此山川佳與得

趣書屋額皆

皇上御書

乾隆十一年

御製栖月崖詩 玉華岫之北宛而中隆清曠行夷綴
以閒館酈道元謂嶺紆曦軒峯駐月駕斯崖有焉 秋
夕溶溶際春宵淡淡時亭虛全約白崖迴半舍規隱與
環中契懸應靜裏知嫦娥餘結習到此幾栖遲

臣等謹按

栖月崖

御製詩恭載首見之篇餘不備錄

栖月崖北為

重翠崦廳宇三楹其下為龍王堂堂下有泉

靜宜園冊

臣等謹按

重翠崦為二十八景之一

乾隆十一年

御製重翠崦詩 度栖月崖而北稍西邃宇閒敞嵐青

樹碧煙浮翠重近拂几案間崦字字書所畧而唐宋人

詩多用之者疑巖岫複疊處如所謂一重一掩耳掩
映山變態既狹歛開豁卷幔風聲颯寫檻雲容活馴鹿
守翠微幽禽下古枯素志托清曠遐矚極空濶

臣等謹按

重翠崦

御製詩恭載首見之篇餘不備錄

重翠崦東南為玉華寺山門東向正殿三楹殿西南廳
宇為

玉華岫其東為臯塗精舍

靜宜園冊

臣等謹按

玉華岫為二十八景之一寺北門內有石洞出泉稱玉
華泉正殿額曰香霑慧日臯塗精舍額曰林虛桂
靜皆

皇上御書

乾隆十一年

御製玉華岫詩

玉華亦古剎而規制差隘其高乃不

欽定四庫全書

欽定四庫全書
卷八十七

減來青闕其南為小軒俯瞰羣岫霞舉雲迴若拱若抱
昌黎詩前低劃開濶爛漫堆衆皺洵工于體物 嵌隙

涼甘脈精藍瞰迴墟芬絲成桂酒月地本雲居

是處有洞出泉

清冷芳潤帝京桂子入冬則收育于此他處率不能活亦西山一奇云

激越來階下芬馨

過雨餘遠皺將近黛次第入紗疏

乾隆十二年

御製玉華寺臯塗精舍作

山椒卜築傍僧庵一室虛

明萬景涵暮靄朝嵐常自寫橫峯側嶺盡來參杏花已

放甜山色桂子還韜寶月
醺遊歷每教成小憇天然佳
句座中探

臣等謹按

玉華岫臯塗精舍

御製詩恭載首見之篇餘不備錄

玉華寺西南峯石屹立上勒

御題為

森玉笏東北為超然堂南為曠覽臺後為碧峯館靜

宜園
冊

臣等謹按

森玉笏為二十八景之一

乾隆十一年

御製森玉笏詩 山勢橫峯側嶺北谷層岡歌澗曲徑
不以巉削峻峭為奇而遙睇諸嶺迴合交互若宮若霍
若岌若垣若嶠若歸若厓若屨若重甌嵯峨嶽嶽負巽
角立積雪映之山骨逼露羣玉峯當不是過也 迴岡

紛合沓峻嶺鬱嵯峨儼若千夫立森然萬玉羅色無需藻繪堅不受礱磨山伯朝天闕圭璋列幾多

臣等謹按

森玉笏

御製詩恭載首見之篇餘不備錄

森玉笏東北峯上有亭為

隔雲鐘

靜宜園冊

臣等謹按

隔雲鐘為二十八景之一自

晞陽阿以迄

隔雲鐘是為外垣為景凡八

乾隆十一年

御製隔雲鐘詩 園內外幢剎交望鈴鐸梵唄之聲相

聞近者卧佛法海弘教遠者華嚴慈恩覺生寂遠鐘寂
大即永樂中鑄華嚴經其上者每靜夜未闌曉星欲上
雲扃尚掩霜籟先流忽斷忽續如應如和致足警聽

不問高低寺鐘聲處處同耳根初靜後禪悅小參中底
厭箏琶響應知水乳融蒲牢寂亦得大地是乘風

臣等謹按

隔雲鐘

御製詩恭載首見之篇餘不備錄

外垣之北別垣內佛樓為宗鏡大昭之廟門東向建琉璃坊楔前殿三楹內為白臺繞東南北三面上下凡四層西為清淨法智殿又後為紅臺四周上下亦四層靜

臣等謹按宗鏡大昭之廟亦稱昭廟額懸都罡正殿乾隆四十五年就鹿園地建琉璃坊東面額曰法源演慶西面額曰慧照騰輝前殿額曰衆妙之門清淨法智殿前八方重檐碑亭內恭勒

御製昭廟詩紅臺上層東額曰大圓鏡智殿西曰妙觀
察智殿南曰平等性智殿北曰成所作智殿皆

皇上御書

乾隆四十五年

御製昭廟六韻

昭廟緣何建神僧來自遐因教仿西

衛

既建須彌福壽之廟於熱河復建昭廟於香山之靜宜園以班禪遠來祝釐之誠可嘉且以示我中華之

興黃教也

是日自謁

居此慶讚

又昭廟肖衛地古式為之衛者耆語謂中俗

謂之前藏班禪所居後藏乃實名藏藏者善也

並以示中華是日當慶落便途

禮脫閣

見楞嚴經注唐語謂法幢也

黃衣宣法雨碧嶂散天花

是日本晴

甫至經壇乃微雨皆以為散天花之喜云

六度期羣度三車演妙車雪山和

震旦一例普庥嘉

臣等謹按

御製詩謹繹有關紀述事實者恭載卷內餘不備錄
昭廟之北度石橋為

正凝堂堂北為暢風樓

靜宜園冊

乾隆三十四年

御製題正凝堂詩 一片波當面堪稱正色凝山池弗
易致雲氣以時興階影涵空映岸痕過雨增垂堂雖不
坐對鏡若同澂

臣等謹按

正凝堂

御製詩恭載首見之篇餘不備錄

正凝堂迤北為碧雲寺山門東向度橋為天王殿復逾橋為正殿為次層殿後為三層殿又後為金剛寶座塔院院前白石坊座一

靜宜園冊

臣等謹按碧雲寺正殿額曰能仁寂照殿後六方亭恭勒

御製碧雲寺碑文次層殿額曰靜演三車後殿檐額曰
普明妙覺內額曰聖業慧因塔院坊座上額曰西
方極樂世界阿彌陀佛安養道場塔座凡三層上
層石洞鐫額曰發阿耨多羅三藐三菩提心石龕
額曰燈在菩提由石級螺旋而上至頂建塔凡七
皆鏤以佛像中龕額曰現舍利光院前碑亭恭勒
御製金剛寶座塔碑文

御製碧雲寺碑文 西山佛寺累百惟碧雲以閎麗著

稱而境亦殊勝巖壑高下臺殿因依竹樹參差泉流經
絡學人瀟灑安禪殆無有踰於此也自元耶律楚材之
裔名阿利吉者捨宅開山淨業始構明正德中稅監于
經為寔宐計將以大作功德而寺遂廓然煥然至魏忠
賢踵而行之奢僭轉甚夫奉佛者不廢莊嚴要以清淨
為本如梵夾所載人天供養窮極珍異皆本清淨為莊
嚴也否則汙法席而玷山靈何福田利益之有雖山體
常新如如不動初無纖毫增損而自人事觀之有足慨

者當明政不綱極人專恣鬼神為之怨痛猶欲佞佛以求庇於地下而為其上者方且假以寵靈錫之題額若惟恐其香火之不延宅兆之不固厥後罪惡貫盈刑誅踵接而穢迹之標揭於林莽間者迨易世乃克剷除追維末造誰實尸之斯足為車鑒也已朕駐蹕靜宜園時過此寺樂觀林壑之美而念古刹之有待於護持也爰命重加整葺喜其滌瑕盪穢而復為淨域因筆之於石用垂戒焉

御製金剛寶座塔碑文 昔如來成等正覺必坐菩提
道場蓋法王人王有世出世間之異而居尊御極其理
則同故寶座莊嚴所以正天人師之位也佛威神力能
使六種震動而當其初轉無上法輪轉一切天人所不
能轉則地為普動以應之惟道場安立之區常住不動
其地乃三千大千世界之中上極金輪下侵地際金剛
所成周百餘步如須彌之隱於沙界而露其巔去來諸
佛並於此坐而入金剛定以是名金剛座焉摩揭佉國

鉢羅笈山聖蹟彰明諸方信響佛滅度後座隱不見諸國王乃以銅觀自在像南北標識其處厥後又仿浮圖之制范金為座以便供養平臺特起周帀嚴淨象道場廣輪之所極也五塔岳峙各具寶相象佛之徧厯四隅而常依止中座也西域流傳中土希有乾隆十有三年西僧奉以入貢爰命所司就碧雲寺如式建造尺寸引伸高廣具足勢同地涌望擬天游賢劫祖庭實在于是夫塔廟之設類以藏舍利齒髮為過去崇奉地耳此座

乾隆十三年

御製初至碧雲寺十二韻 我愛碧雲寺香山一脈連

迴峯成左障隔壑據層巔古剎塵埃暗山僧歲月延望

中已久矣到此實初焉助景因經始施檀亦偶然照園

輝佛日梵網煥諸天是日新秋霽靜宜

香山行宮名
之曰靜宜園駐

蹕便試參山水秀果占畫圖全衣履如霑潤林巒益逞

妍一泓天半澈百道澗邊懸有句皆清絕無心不靜齋

徘徊瞻

聖藻

皇祖有碧雲寺晚起詩

俯仰憶

堯年

乾隆十六年

御製登碧雲寺金剛床塔詩 百丈之山延緣徐步忘

其高十丈之塔轟爾拔地直上乃訝高岌崑何況窳堵

迴據西山半宜其下視無地上已干青霄太行西來厯

萬古杯水滄溟金彈吐康回能使東南傾女媧誰見西

北補我聞佛諦要令萬緣忘胡為梵誌傳此金剛床高

秋乘興一拾級目窮千里心萬方今年登塔凡三度六
和報恩皆有賦江山信美慮程遙詎可頻頻勞六御因
之念寄吳越間夏災數郡遭迍邐何能五風十雨斗米
纔三錢愬哉吾治遜彼唐貞觀

臣等謹按碧雲寺

御製詩恭載首見之篇餘不備錄

碧雲寺南為羅漢堂後為藏金閣

靜宜園冊

臣等謹按羅漢堂內奉五百羅漢仿杭州淨慈寺

像額曰海會應真前宇額曰鷲光合印皆

皇上御書

碧雲寺北為涵碧齋後為雲容水態為洗心亭又後為

試泉悅性山房

靜宜園冊

臣等謹按涵碧齋內額曰活潑天機試泉悅性山

房檐額曰境與心遠後檐額曰澄華是為泉水發源處

原西山蒼蒼上千雲霄重岡疊翠來朝皇闕中有道場

曰香山

李晏香
山記

原香山寺址遼中丞阿勒彌所捨殿前二碑載捨宅始末光潤如玉白質紫章寺僧目為鷹爪石又云寺即金

章宗之會景樓也

冷然志 按阿勒彌滿洲語
聲譽也舊作阿里吉今譯改

原耶律淳者世號為北遼興宗第四孫保大二年天祚入夾山奚王和勒博林牙耶律達什等引唐靈武故事議立淳即位百官上號天錫皇帝改保大二年為福建元年尋病死百官偽諡曰孝章皇帝廟號宣宗葬燕西

香山永安陵

遼史 按和勒博滿洲語聯絡也舊作回雄保今譯改

臣等謹按永安寺今無考

原天會間大軍下河北胡礪為軍士所掠行至燕亡匿

香山寺

金史本傳

原大定二十六年三月香山寺成幸其寺賜名大永安

寺給田二千畝粟七十株錢二萬貫

金史世宗記

原大定中詔匡構與近臣同經營香山行宮及佛舍

金史

本傳

原明昌四年三月幸香山永安寺及玉泉山承安三年
七月幸香山八月獵於香山四年八月獵於香山五年
八月幸香山泰和元年六月幸香山六年九月幸香山

金史章

宗記

原元世祖幸香山永安寺見書輝和字於壁問誰所書
僧對曰國師兄子特爾格書也帝召見愛其容儀秀麗
語音清亮命隸丞相博囉備宿衛

元史本傳 按特爾格蒙古語車也舊作

鐵哥今

譯改

原皇慶元年四月給鈔萬錠修香山永安寺

元史仁宗記

原元平章政事李武愍公葬京師之西永安山之陽其

子益都淄萊等路管軍萬戶世雄祔葬先塋

養蒙集

臣等謹按李武愍塋今無考

原香山永安寺亦名甘露石梁下有方池正統間遣中
官以金魚數十投其中今巨者盈尺矣上金剛殿後有
古椿六又上由畫廊登慈恩殿其右為香爐岡岡下有
蟾蜍石丹井又有夢感泉金章宗常至其地夢矢發泉

湧旦起掘地果得泉其後僧以泉淺濬之遂隱

南濠集

臣等謹按蟾蜍石即今之蟾蜍峯丹井殆即今之

雙井也夢感泉無考

原香山寺南一山松蘿交蔭橋下魚朱黑二種若游空中拾級而上佛殿甚闊壯殿楹外兩山環擁遠望一亭踞山半穿磴道二里始至亭名流憩下視寺垣如墮深壑望遠水如白玉玦疑即桑乾河也

滿碧堂集

臣等謹按流憩亭今無考

原香山一徑幽遐青松夾道流泉下注朱闌上引依巖
為刹高傑整麗獨是作者騁象馬之雄圖乏邱壑之妙
思數十年後金碧蝕於蛛絲堦砌隱於苔蘚遊人漸稀
樹木漸老則茲山之勝當倍於今日矣

袁中
郎集

原香山門徑寬博喬木夾道流泉界之依山汙隆以為
殿宇殿前古松二株虬龍詰曲左來青軒如衫袖忽開
盡見原隰寺後有藏經閣石路淨潔高松列植四望比
來青較遠其傍僧舍數十處多植偃蓋之松引流水周

其雷下

珂雪齋集

原穿洪光寺柏徑而上即香山藏經殿步而下即後殿
從兩廊逶迤行至正殿厯級從東行至方丈自迴廊後
東為來青軒下見坡陀杏樹可十萬株寺中來青軒鬱
秀清雅望都亭四扁皆御書

燕都遊覽志

臣等謹按鬱秀清雅諸扁今皆廢

原香山有乳峯石時噓雲霧類匡廬香鑪峯故名

長安可游

記

臣等謹按乳峯石恭繹

御製靜宜園二十八景詩序今已

釐正為

玉乳峯

原香山夾道盡白楊青檜流憩亭在山半灌木陰翳中
來青軒前兩山相距而虛其襟以捧帝城自無量殿折
而至洪光寺皆短垣疎柏中涓甃白石為階東望閣道
參差為光裕寺

緱山集

臣等謹按無量殿今存光裕寺今無考

補洪光寺東壑中有光裕寺

緱山集

原香山寺殿五重崇廣略等斜廊平櫺翼以軒閣世宗幸寺曰西山一帶香山獨有翠色神宗題軒曰來青來青軒右上轉而北為無量殿轉而西曰流憩亭山多名蹟有葛稚川丹井金章宗祭星臺護駕松夢感泉又有碁盤石蟾蜍石香鑪石寺始金大定正統中太監范宏拓之費七十餘萬今寺有宏墓墓中衣冠耳蓋宏從幸

土木不歸

帝京景物畧

臣等謹按祭星臺諸處今皆無考香爐石應即今之

玉乳峯詳見前條

原香山有巨石二狀如蝦蟆石下二井相去丈許水深纔三四尺俯手可濯井底沙石厯厯可數近寺人家皆

取給焉

文義集

原張養浩遊香山詩

山行彌日山益奇亂峯挾翠紛

參差游人如蟻度林杪細路一線雲間垂我來青帝已迴馭太古殘雪猶離離一聲啼鴉百花落兩崖紅雨春淋漓蓬萊堯率杳何處無乃造物移於斯斜陽忽將暝

色至山靈應怪歸鞍遲 歸田類藁

原廣集題大都香山寺圖 香山蒼翠帝城西古寺高

寒北斗齊繞屋清泉龍穩卧對簷老樹鳳常棲曾陪退
相尋山徑亦共幽人躡石梯忽見畫圖驚十載春雲秋

山不勝題 道園學古錄

原李夢陽香山寺詩 萬山突而止兩崖南北抱鑿翠

賈殿樹綴石上穹昊高卑勢各稱曲盡結構巧有泉如
殘樓盤轉出松杪嗜奇望登頓緣危肆探討險絕逼斗

牛蕭垣若風島夜宿來青軒天色碧可掃湖沙靜莽莽
海月白浩浩想當邦邑初此地即蒿草綺麗誰所營民

力為茲搗 空同集

原又集句 二月已破三月來山下碧桃花自開半醒

半醉遊三日並馬今朝未擬回 同上

原何御香山寺詩 香山高巖葉複磴碧雲西對嶺抱

溪轉迴峯聳剌齊高卑散精舍錯落標金題寒益多勁
條采芳無柔萼息策丹泉曲振衣青霞梯已貪竟流覽

殊覺疲遠躋致致下層閣徐徐道前蹊賞心頗云悲矯
首夕陽低 白湖集

原馮惟訥香山寺詩

香界盤空磴松蘿一徑幽何須

問蔥嶺此地即丹邱檻是諸天隔泉將德水流山花雜

祇樹隨意滿芳洲 少洲集

原栗應宏香山寺詩

山色敞招提空香處處迷曹溪

一水曲瞿舍五燈齊夕鉢藏龍影春沙印馬蹄何期踏

芳草靈境得攀躋 栗大行集

原王格香山寺詩

峻嶺凌青漢疎林隱絳宮騎從斜

磴入門逐斷巖通風日三秋裏關城四眺中松亭陳桂

醕延賞興何窮 少泉集

原何維柏香山寺晚眺詩

翠積香山迴烟深草徑迷

傍橋尋谷口緣磴躡招提孤鳥連雲遠平原入望低回

瞻雙鳳闕高峙玉河西 天山集

原謝榛宿香山詩

深夜無眠風露清天移北斗坐間

橫幽人不作紅塵夢月照空山鶴一聲 四溟山人集

原安紹芳香山寺詩

開嶺藏香閣到門生暮煙斷崖

寒積雨細草伏流泉臺指祈星處松傳護駕年石幢連

繡拱似欲化青蓮

研亭稿

原黎民表香山寺詩

卻月橫香閣伺星隱紺臺殿隨

山勢轉池向水源開雙闕浮雲斂千林返照來鶴岑清

絕處心賞信悠哉

瑤石稿

原吳壙暮登香山詩

石門亘西天幽花夾山路歸鳥

競喧呼夕陽隱芳樹登登青崖端偶與羣公遇散生雲

壺間會茲靜中趣纖月何娟娟清風灑襟素貞素堂

集

原俞憲香山寺詩

已陟軒楹勝還尋澗壑幽獨行無

燕笑情至亦淹留花密藏溪路峯危帶石樓回看禪誦

處香靄接天浮

是堂稿

原郭棐香山寺詩

來青亭上覽流暉歷歷僧房隱翠

微大壑風聲搖几席近山霜氣濕征衣林花照水娟娟

並幽鳥迎人款款飛因憶羅浮諸勝在驅車何日可言

歸 蘭省稿

原朱國作秋入香山寺詩 山半松門度石梁流泉決

決響僧廊置身著色屏風裏梨葉新紅柿子黃 介石

齋集

原陳萬言香山寺詩 氣轉春逾爽山藏霧尚寒路真

通香靄香已熟梅檀霞外千峯寺人間六祖壇淋漓瞻

寶墨飛作五雲看 鈺園集

原傅淑訓香山題壁詩 暮盤石無人奕護駕松有鳥

棲下界鐘聲古寺上方月影前溪 平甸草鋪似繡高

峯石削如門牛羊十里五里雞犬前村後村 帝京景

物畧

原王惲題香山寺詩 送客當年過玉泉醉中遊賞得

奇觀一泓湛碧浮僧鉢幾葉秋黃打石闌山色空濛金

界濕松聲清泛碧波寒吟鞭回首都門道斜日歸時翠

滿鞍 秋澗集

補郭第香山寺詩 碧雲回首翠千重又聽香山寺裏

鐘乳鵲不飛人寂寂女蘿垂葉挂長松
明詩正聲
補劉秉忠同宋義甫宿香山寺詩
摩空削出碧芙蓉
繾綣香山一帶峯野樹去年曾繫馬閒雲今日復從龍
玉鈎三寸月沈水琴調數聲風入松清徹夢魂眠不得
覺來那假曉樓
藏春詩集

原香山寺有軒曰來青坐見兩山迴合平疇外行飛鳥
出沒雲際寺門有泉石橋跨之其流入西湖
栢厓集

原永安寺來青軒軒居山半俯瞰叢樹青黃相雜循廊
而上殿閣崇麗與平坡並峙正統間太監范宏所建
懔麓

堂集

原來青軒臨絕巘周匝女牆倚牆下瞰平楚荒榛杳渺

無際

余文敏集

原來青軒五楹闌楯外垣以碑甃下臨絕壑玉泉諸峯
按伏其前朱殿撰之蕃題楹云恐壞雲根開地窄愛看
山色放牆低憑闌東望盡挹山川之秀若流憩亭不及
來青遠甚然仰視山巔高插雲漢亦奇境也至寒泉亭

斯可有無矣

長安客話

臣等謹按寒泉亭今無考

原李東陽錢仁夫錢承德夜宿香山來青軒聯句一
軒縹緲閣空青東陽四顧參差擁翠屏仁夫涼夜推窓

堪待月承德前朝掃石記祠星東陽雲蒸衣潤龍歸鉢
仁夫風泉爐薰鶴聽經承德地隔紅塵三百丈東陽尋

仙何必泛滄溟仁夫美具錄

原李言恭宿來青軒詩地敞千林月門開萬壑霞花

間翻貝葉樹杪見人家路轉溪流折山迴石磴斜半空
聊借榻高卧似浮槎貝葉齋藁

原區大相登來青軒詩層軒翠微衆宸翰此高題仰

見星辰列平看雲霧低路盤陵樹北山擁帝城西萬乘
來遊地應無七聖迷海日集

增姚希孟來青軒詩虛檻雲嵐上諸峯斷復連圍成

螺髻頂散作鬱藍天空翠山藏骨冥濛樹拂烟品題留
御藻青色自年年帝京景物畧

原來青軒之前兩腋皆疊嶂環列賓軒為金章宗祭星

臺其西南道上章宗經此有松密覆因呼為護駕松長安

客話

原常山劉文正王以沈機大畧最為世祖親幸且通秘術用兵之際役使鬼神多著奇效乃作祠宇於宛平之西山以祀太乙六丁之神號曰靈應萬壽宮說學集

臣等謹按靈應萬壽宮今無考

原至元十一年建太乙宮於兩京命李居素居之領祠

事且裡祀六丁以繼太保劉秉忠之術元史釋老傳

原趙孟頫萬壽宮館舍作
來時殘雪點征衣
落盡庭花尚未歸
夢裏不知身卧病
春衫鄉路馬如飛
松雪齋集

原范梈靈應宮詩
萬花如繡擁朱宮
上界嚴祠望碧

空一十二時春百刻日長半

在鳥啼中
范德機詩集

原元英宗延祐四年四月祭遁甲神於香山今香山有

金章宗祭星臺於火無所考或是元時祭遁甲神之地

北平古

今記

增太倉王衡祭星臺詩
空潭落星辰
騰沙鬱四野不

知何王碑
隔坡問牧者
蘇山集

補元無名氏題祭星臺詩
章宗曾為祭星來鑿石誅

茅築此臺野鳥未能隨
鶴化山花猶自傍人開
順天

府舊志

原香山西佛堂懸御書二扁一曰雪白山青一曰西巖

長安可遊記

臣等謹按雪白山青西巖二扁今皆廢

原程敏政香山永安禪寺觀音閣重修記

西山之刹

以數百計香山號獨勝層樓疊屋翬飛岌立於林巒紫翠中若畫圖然觀音閣據寺東隅視諸閣尤峻閣久漸圯寺主左善世定皚東白募修之太監李公興陳公冕為之上聞詔賜內帑白金彩幣倡之遠邇聞者咸樂為助乃於弘治四年七月啟工以明年竣事東白常熟人弘慈禪師玉礪清公再

傳之弟子

篁墩集

欽定四庫全書

欽定四庫全書

三

臣等謹按觀音閣今存

原洪光寺據山頂短垣遶門地悉甃以石寬平可坐山之勝一覽而盡

南濠集

增洪光寺入石門路甚修平古栢夾之人行道上蒼翠撲衣可數百步復折而上如是者凡十有一每登一折

必右俯木末左瞰絕壁壁皆甃石為之歲久若天造

天府唐記

原洪光寺古刹巨璫鄭同重修同朝鮮人也寺內圓殿

千佛各坐寶蓮皆極工巧臺右有姜立綱書碑

游業

玉皇閣弘法寺址今無考

原成化四年十二月遣太監鄭同崔安冊封朝鮮世子李暲為王既行巡按遼東監察御史侯英奏同與安俱朝鮮人墳墓宗族皆在其地於其國王未免行跪拜之禮進囑託之辭殊輕中國之體乞追寢成命遣翰林院給事中及行人往使為便上是其言於是賞賞則遣內

臣冊封則遣廷臣有學者

明憲宗實錄

原王延陵同張崑崙過洪光寺詩

洪光高閣杳林端
繚繞雙過錦繡鞍
曉日乍開仙閣曙
春雲猶弄上方寒

意中猿墮青天影樹裏人行赤玉闌已分息機甘晏寂
長安風霧任漫漫今雨瑤華

原鄔佐卿洪光寺詩綠暗深深入林端梵宇開晴嵐
飛鶴鶴秋色繡莓苔磴轉山容變雲移塔影來遊回不

得住舍此復塵埃芳潤齋集

原凌震洪光寺詩盤旋窮九折紺殿忽龍蔥寺正當

高處山都在眼中翻階花勝雪委地柳宜風霑醉歸途

裏春雲處處同練溪集

原鄧欽文洪光寺懷陳丈詩寺裏還藏寺山頭別起

山磴盤千級上僧占一峯間秀色杯前墮孤雲杖底還

元龍自奇好惆悵不同攀詩統

原朱國祚洪光寺詩石門幾曲轉丹梯圓殿僧同怖

鵲棲指點遊人下山路酒旗風颭夕陽西介石齋集

原左光斗洪光寺詩磴削天全潤梯盤地轉窄一亭

環積翠萬里見秋毫白日入林礙青天過鳥

勞自從經御蹕直是五雲高左忠毅集

原出洪光寺東數轉為玉華寺寺後有池泉流涓涓不絕山房跨澗十餘楹稱玉華別院越澗折而西北有小

院名慈壽庵

游業

臣等謹按慈壽庵今無考

原王嘉謨玉華寺詩層峯開淨域十丈控丹梯坐瞰平湖淺中分萬嶺低斜陽傳塔影飛瀑亂鶯啼自覺諸天近香花聚路

蹊薊邱集

原碧雲庵建於元耶律阿利吉正德中內監于經拓之為寺天啟三年魏忠賢重修之土人呼為于公寺巖下

有泉泉旁一柳有大瘿人呼為瘿柳柳左堂三楹萬厓
御題水天一色前臨河沼沼南修竹成林巖下一亭曰

嘯雲

春明夢
餘錄

臣等謹按孫承澤春明夢餘錄所稱柳左之堂及
嘯雲亭今俱無考水天一色扁已廢

原碧雲寺二元碑一至順二年立一元統三年立

帝京
景物

畧

臣等謹按元碑今廢

原香山碧雲寺正德中御馬監太監于經所造經以便給得幸導上於通州張家灣權商賈舟車之稅歲入銀八萬之外即以自飽斥其餘羨為寺於香山而立冢域於寺後上嘗親幸焉為之賜額嘉靖初下獄瘐死籍其冢而寺與墓獨存

湧幢小品

臣等謹按今寺後冢域已毀

原自洪光折而東取道松杉中二里許從槐徑入一谿橫之跨以石梁為碧雲寺壯麗與香山相伯仲歷數百

東南又折而北渠廣尺餘越數步設一牖亭前有沼可一畝渠水注之亦由螭口出迤東南注垣下過香積厨

又西南注殿前沼

余文敏集

臣等謹按寺內泉源今從巖罅吐注非螭首口也

原碧雲剎後有泉從石罅出有聲石壁色甚古亭曰聽水佳處泉遶亭而出流於小池種白蓮百本塘前穉竹嫩綠有致竹旁有銀杏二株陰陰一畝其左一洞若夏屋泉復遶之而出達於廊下引入殿前為池界以石梁

朱魚潑刺水脉隱見至寺門迸入溪

珂雪齋集

臣等謹按聽水佳處亭今無考洞屋今存

原碧雲寺金銀宮闕若王者之居殿前有池跨以石梁上移蹕再幸樂之設帟飲梁上觀魚寺前有泉亭竹樹留御書額額曰蒼松古栢曰水天一色其西峭壁如城有石室三臨澗石門石竇盛夏可以避暑冬則徙卉木

藏焉

大復山房集

臣等謹按蒼松古栢諸額今廢

原碧雲寺修除連拱與香山稱左緣曲徑有卓錫泉環庭際瀲灩鳴中為廣亭右壁綴以文石境之最幽者

長安

可游記

原出香山策馬東行轉而西北即碧雲寺寺門有石獅二雕鏤絕工鐘樓西石刻蛟形泉從口湧泠泠瀉溝中出寺而納於澗

同上

臣等謹按碧雲寺前石獅今尚存

原碧雲寺後有魏忠賢墓本于經舊墓道忠賢拓之翁

仲石麟羊虎森列扶闌皆以白玉石為之雕刻精巧中立二穹碑合書其銜忠賢戮尸之後未嘗葬此聞係崇禎甲申都城破後其黨為之者明初中官造墳安葬例給銀五十兩自正德中多至五百兩矣其後歲益月增享堂碑亭制愈僭越夫山林之制亦不過前樹一碑而已忠賢乃用二碑黨附小人之無忌憚如此惜無力士踏而碎之也

泠然志

增御史張璠疏臣巡視西城查閱至香山碧雲寺寺後

峻宇繚牆覆壓數里鬱蔥金碧疑是前王陵寢詢之土人乃知為故明逆璫魏忠賢生墳墓上有二宮碑屹立合書欽差總督東廠官旗辦事掌惜薪司內府供用庫尚膳監印務司禮監秉筆總督南海子提督保和等殿完吾魏公忠賢之墓臣觀覽之下不勝髮指云云

香祖筆記

補西山碧雲寺元之碧雲庵也耶律阿利吉所建明正德中內璫于經拓之為寺而立冢域於後土人呼為于公寺嘉靖初于下獄死天啟三年內璫魏忠賢重修亦

立冢域其後崇禎初魏亦戮屍二瑞皆立冢而皆不得

其終宣名山有靈不為奸豎藏魄耶

冬夜
箋記

補西山佛寺百數皆建自內官其最閼麗者曰碧雲寺
因山下上築臺殿金碧露松栝之表其北內官墳墓數
十鐫石為闌窮極纖巧翁仲羊虎夾侍墓碑林立其文
俱宰相所製中立穹碑二具書總督東廠官旗魏忠賢
爵秩蓋忠賢敗後其屍已戮其族已徙闌寺猶力護其
類樹碑立冢然後知小人流禍未有酷於闌寺者也

竹垞

類文

補碧雲寺有小石幢本當時賣地券也演作韻語末云
賣與中丞阿利吉吉作平聲蓋從國語讀古人游戲翰
墨書券每作韻語如王褒童約石崇奴券皆然戴良失
父零丁亦用韻語又見汾州學宮門右有石嵌壁中乃
金郝天挺募建文廟疏其文伏以之下書絕句一首即
接以謹疏字此皆辨文體者所未及也

青鞵踏
雪志

朱昆田原按周憲王作元宮詞云獨木涼亭錫宴

時年年巡幸孟秋歸紅粧小妓頻催酌醉倒花前
阿刺吉張光弼塞上謠云妖姬二八貌如花留宿
不問東西家醉來拍手趁人舞口中合唱阿刺刺
皆以元國語叶韻未免近於填詞然填詞必準周
伯清中原韻而吉字止作上聲讀刺字止作去聲
讀無讀平聲者以中州韻作詩猶且不可況逸出
中原韻之外乎以之入賣地券君子無譏焉矣

原陸深碧雲寺詩
三月紅杏碧桃花

鳥道千盤迥羊腸一徑斜年年二
嶽山集

原陳沂遊碧雲寺詩

西嶺多金利林深到碧雲山文

潤宇斷水脈石渠分魚躍翻蘋見鶯啼隔竹聞經營竟

誰主太息倚斜暉

拘虛集

原唐順之遊西山碧雲寺詩

端居滯文翰久與賞心

閣出沐乘休豫尋幽展惟悅涉澗俯游緩攀巒面嵒嶼

遶哉神皋奧居然靈境別夷峻疏深池寒次構崇稅浴

室盪湯泉水井沸陰火躋險惕瞑眩迴折起軼密林

嬉猿獼遠峯挂虹霓宵看朝旭升晝見昏星列節豐光

乍燕崖懸曜先晰景會萬象昭跡睽百慮絕嵩樓庶可

希從茲謝塵墩

荆川集

原何御碧雲寺詩

侵晨發廣源到寺日亭午回見山

下居頗異寰中土樹底禽關闕巖間鹿屢屢鐘鳴出紺

林香靄薄珠宇辟荔當高垣蘼蕪離修楚入門釋塵襟

僧導轉迴廡石泉山下行流杯坐中取卽此慰遐情何

繼主與組

白湖集

原莫如忠碧雲寺詩

香臺何處覓倚杖躡層巔出樹

凌飛磴穿堦響暗泉洞陰扁若戶林靄碧於天到切歸
依想無勞更問禪 崇蘭館集

原何棟碧雲寺詩 萬峯圓殿閣碧色淨如雲樹影欄
前落泉聲竹裏聞攀蘿丹磴轉鑿石翠流分獨愛空林
靜焚香對鶴羣 太華集

原王世貞宿碧雲寺詩 幽人夜無寐初月銜山間不

見月出光但見松影落 弇州山人稿

原公傳碧雲寺詩 西山千百寺無若碧雲奇水自環

廊出峯如對塔移樓齊平樂觀苑接定昆池不似人工
得當時作者誰 問次齋稿

原姚汝循碧雲寺詩 策馬隨流水穿林到碧雲金銀

開法界紫翠靄朝暉峯自香爐轉泉非裂帛分年來機

事息魚鳥與人羣 錦石齋集

原朱國祚碧雲寺詩 銀榜高懸寶地賒遊人只愛寺

前花不知賁船徵求盡舊鬼年年哭路沙 介石齋集

原錢楷碧雲寺詩 空王臺殿碧嵐嵐藥塢松闕啟夕

飲定日下舊聞考 三六

曉叢篠娟娟圍砌密細泉汨汨繞廊分月明梵唄諸天
近雨後鐘聲下界聞向夕虛堂對寒碧坐來衣冷欲生
雲 萬玉亭集

原傳淑訓碧雲寺詩 洞巖創立石筍澗水斜流落花

朝雲迷處僧舍暮山影裏人家 帝京景物畧

補陸深碧雲寺觀泉作 堂辭白玉前寺到碧峯下石

幢挿堵波貝葉翻般若循除決清泉此境極瀟灑瑯

金珮傳宛轉玉繩瀉細懷川上心臨流歎不合曾聞貂

璫雄揮金事游冶高臺相掩映松篁雜梧檟似識舟壑

安寧知蕉鹿假止觀等殷鑒沈酌泛周聿 饑山集

以上各條原在

郊垌門今移改

欽定日下舊聞考卷八十七

欽定四庫全書

欽定日下舊聞考卷八十八

郊垌

東一

增元京城門東之北曰崇仁明改崇仁曰東直

大清
一統志

臣等謹案東直門明洪武時改

本朝因之

原東直門外五里為春場場內春亭萬厯癸巳府尹謝

杰建

帝京
景物略

臣等謹案春塲在東直門外一里許明制順天府府尹迎春自塲入於府即此地帝京景物略云五里誤也塲內春亭已廢有碑卧道傍僅存東關外春亭碑記篆額碑文字跡皆漫漶剥落其建置年月無可考

增永樂五年設東直門外牛房倉

明會典

臣等謹案東直門外六里許地名牛房

原景泰元年七月築東直門望京村墩臺

明景帝實錄

原望京館在城東北五十里孫侯村遼建為南北使臣宿息餞飲之所宋王魯上遼事曰出燕京北門至望京

館即此

春明夢餘錄

增幽州東北三十里有望京館

夢溪筆談

臣等謹案今其地名孫河屯或孫侯村之轉音也為古北口孔道

原華光寺在東直門外之北靈惠寺在東直門外之南

五城坊巷

衙集

原靈惠寺有勅建碑

明順天府志

臣等謹案華光寺今存有明天順五年六年重修

碑二靈惠寺今圯正殿前僅存建會造像功德碑

一字跡剝蝕勅建碑今無考

原兵部主事金鉉墓在東直門外六里屯

大興新志

增張烈金鉉傳略

金鉉字伯玉號一箴大興人先世

居武進劉村永樂七年

以留守前衛軍隨至北京十

世而至鉉鉉十八歲舉天啟丁卯順天第一次年成進

士乞教授揚州進國子監博士工部主事時有詔命太

監張葵憲總理戶工二部且建署鉉曰是將部堂自處

以吾曹為之屬耶吾寧不官奈何為之類上疏不報已

而以試火器不適用坐鉉罪除名是時鉉年二十三一時人望黃道周劉宗周陳龍正等皆顧交鉉乃益肆力學問研究六經及宋元明儒書析衷其學久益有得歸于切實後學或問宗旨正色曰日用躬行求之有得何宗旨為甲申二月服闋起兵部主事巡視皇城時流賊已長驅向闕鉉與朱之馮相期致命賊聞之馮死率弟輩哭之曰今與若哭勉齊復數日若哭我矣賊入都鉉拜辭母屬詣弟弁赴皇城投河死年三十五弟鏡等衛其母避匿母不可投并死鉉妻王氏及弟錦皆死鏡有學行集鉉詩文語錄年譜共八卷行世順治十年十月世祖章皇帝命禮部右侍郎兼侍讀學士高珩祭鉉賜諡忠潔錢輔通志

臣等謹案金鉉墓碣今存

增元京城門東之南曰齊化明改齊化曰朝陽

大清一統志

臣等謹案朝陽門明正統時改

本朝因之門外石道雍正七年修恭勒

世宗憲皇帝御製碑文乾隆二十二年重修恭勒

皇上御製碑文謹編載卷內

增

世宗御製朝陽門至通州石道碑文 自朝陽門至通

州四十里為國東門孔道凡正供輸將匪頒詔糈由通

州達京師者悉遵是路潞河為萬國朝宗之地四海九

州歲致百貨千槁萬艘輻輳雲集商賈行旅梯山航海而至者車轂織絡相望于道蓋倉庾之都會而水陸之衝達也雖平治之令以時舉行而輪蹄經涉歲月滋久地勢漸窪又時雨既降積雪初融之後停注泥淖有一車之蹙需數十人之力以資牽挽者矣朕心軫念爰命所司相度鳩工起窪為高建修石路計長五千五百八十八丈有奇寬二丈兩傍土道各寬一丈五尺長亦如之其由通州新城舊城至各倉門及東西沿河兩道亦

皆建修石路共計長一千五十餘丈廣一丈二尺及一丈五尺不等費帑金三十四萬三千四百八十四兩有奇經始于雍正七年八月至雍正八年五月告竣有司請為文以紀其事嘗稽周禮地官司徒令野修道遂師巡其道修鄭鶚疏曰道路以通往來之途使賓至如歸亦修文德以來遠人之意禮月令季春之月命司空循行國邑周視原野開通道路毋有障塞典籍所垂凡體國經野之政至備具也朕臨御以來詳求治理早夜

孜孜惟恐不逮近而郊圻遠而郡邑即遐陬僻壤之區
其有關於利濟民物者莫不因地制宜以次修舉是役
也遠師古聖王之良法美意而斟酌久遠一勞永逸良
用欣慰庶使遵是路者瞻周道之蕩平正直咸慶同軌
之盛治焉爰誌其歲月而勒諸石云

增

御製重修朝陽門石道碑文 直省漕艘估舶帆檣數
千里經天津北上至潞城而止是為外河引玉泉之水

由京師滙大通橋東流以達於潞用以轉運者是為內河然外濶而內狹故自太倉官廩兵糈暨鄧市南北百貨或舍舟遵陸徑趨朝陽門以舟緩而車便南北之用有不同也其間輪蹄絡織曳挽邪許謹聲徹昕夕不休故常以四十里之道備水陸要衝而舊制初未甃石往往積滲成窪經潦作凜行者弗便焉雍正七年我

皇考世宗憲皇帝

命工始建石道規方定則垂利數十載於今顧神皋理

大物博民用不舍質之貞者日以刊理之緻者日以泐
不亟治將隳

前功是懼爰咨將作都料以聞朕曰毋擲帑毋狹材帑
擲是重糜帑也材狹是重廢材也時大臣董斯役者搆
楯為平易礫以整物備用良無坎無垤而石之斥舊佐
新者什不存四五矣計延袤六千六百四十四丈有奇
支戶部金二十八萬四千九百有奇經始於乾隆丁丑
十月越庚辰七月落成所司請為之記朕惟古王者成

梁除道若司空循邑遂師巡野諸令匪僅謂國家體制
宜爾蓋深以息人勞珍物力使天下潛消夫湫隘耗億
之氣無歎於書之所云會歸易之所云往來受福者而
天下肩摩轂擊轉相忘乎熙熙攘攘不過如庭斯城如
徑斯甍焉耳則王道之大也豈煦煦然起一夫之蹶與
一車之柅若子與氏所譏濟人為悅而已哉是地為國
東門既食貨交會而修廢舉隆又立政之常經故於錫
碣無侈詞惟申言重修端委所由且作亭覆之俾勿壞

原永樂十六年九月設北京壩上義河北高岸石橋南

石渠黃土北草場七倉隸順天府

明成祖實錄

原宣德元年六月設順天府壩上南北二倉專掌馬房

草料

明宣宗實錄

原正統九年八月朝陽門外倉成名大軍倉隸後軍都

督府以貯操備馬料

明英宗實錄

增光熙門與漕壩相接當運漕歲儲之時其人夫綱運

者入糧于壩內龍王堂前唱籌

析津志

臣等謹案元制東三門左曰光熙明洪武元年廢
增昆吾公廟在宣曜門外官窑場南其姓氏莫詳焉

折津志

臣等謹案宣曜門乃金天德中所置為東第二門
至元時已廢折津志所載昆吾公廟蓋金代所建
廟及官窑場今皆無考

增白虎廟在齊化門外橋南

折津志

臣等謹案白虎廟今無可考

原漱芳亭在齊化門外道士吳全節所建

春明夢餘錄

原道士張伯雨號句曲外史入號貞居嘗從玉溪月真人入京初燕地未有梅花吳開闢宗師全節時為嗣師新從江南移至護以穹廡扁曰漱芳亭伯雨偶造其所恍若與西湖故人遇徘徊既久不覺熟寢于中真人終日不見伯雨深以為憂意以出外迷失街道也夢覺日已暮矣歸道所由嗣師笑曰伯雨素有詩名宜作詩以贖過伯雨遂賦長詩有風沙不憚五千里將身跳入仙人壺之句嗣師大喜送翰林集賢嘗所往來者袁學士伯長謝博士敬德馬御史伯庸吳助教養浩虞修撰伯生和之板耕錄

增張雨一名天雨字伯雨別號貞居子錢塘人葉家為道士晚居開元宮有句曲外史集句曲外史集

臣等謹案漱芳亭今無可考

原至元初姚長者仲實于城東艾村得沃壤千五百餘畝構堂樹亭繚以榆柳環以流泉藥園蔬畦區分井列日引朋儕觴詠其間優游四十餘年泊然無所干于世

雪樓集

原弘治十七年二月有旨朝陽門外修建延壽塔并殿宇廊廡牆垣命內閣撰勅令司禮監太監李榮內官監太監李興提督監造大學士劉健等言佛老之事無益于世有損于民祖宗朝僧道有定員寺觀有定額所以

擬上曰卿等言是其即停止之

明孝宗實錄

原正德三年十一月劉瑾創元真觀于朝陽門外大學

士李東陽為製碑文

明典

臣等謹案元真觀今圯

原出朝陽關沿河往南有天妃宮

五城坊巷
衡衡集

原天妃林姓閩王時統軍兵馬使願之女能乘席渡海雲游島嶼人呼曰龍女宋雍熙四年昇化湄洲父老相

率祠之名其墩曰聖墩

閩書

原天妃世居莆之湄洲嶼五代時閩都巡檢林願之第

六女生于晉天福八年以雍熙四年二月二十九日昇化厥後嘗采珠采蚌翻海上里人祠之宣和癸卯給事

中路允迪使高麗中流遇風人舟俱溺獨路舟神降于
檣無恙使還奏于朝特賜廟號曰順濟紹興己卯海寇
入江神駕風一掃而避加封昭應崇福乾道己丑加封
善利淳熙間加封聖惠慶元開禧景定間累封助順顯
衛英烈協正善慶等號元以海漕有功賜額靈濟東
西洋考

原凡名山大川忠臣義士在祀典者所在有司主之惟
南海女神靈惠夫人至元中以護海運有奇應加封天
妃神號積至十字廟曰靈慈祝文云年月日皇帝遣某
官致祭于護國庇民廣濟福惠明著天妃元史祭祀
志

原洪武初復有護海運舟之功五年封孝順純正孚濟

感應聖妃

閩書

原邱濬天妃廟碑京師舊有天妃廟在都城之巽隅
大通橋之西景泰辛未道士邱然源援南京例請升為
宮然規制尚存其舊弗稱宮之名也成化庚子然源乃

蘇材鳩工拓大而一新之祠神之宮茲其稱矣 瓊臺

會稿

補天妃宋徽宗宣和間路允迪使高麗八舟溺其七見
妃朱衣坐跪上舟藉以安歸聞于朝賜祠額名順濟高
宗朝封崇福靈惠昭應夫人孝宗朝以助勦溫台寇封
靈慈昭應崇善福利夫人光宗朝以救旱封靈惠妃寧
宗朝以救潦加封助順又以淮甸退敵屢加顯衛護國
助順嘉應英烈妃理宗朝以濟興泉饑加封協正又封
靈惠助順嘉應慈濟妃尋以錢塘災成加封善慶既又
以顯靈焚寇進顯濟妃元世祖封護國明著天妃進顯
佑成宗加封輔聖范民仁宗加封廣濟文宗加封靈威
助順福惠徽烈賜額靈慈皆以漕運危險立見顯應故
也明太祖封昭孝純正孚濟威應聖妃成祖封護國范
民妙靈昭應弘仁普濟天妃莊烈帝封天仙聖母普靈
普化碧霞元君己又加靜賢普化

慈應碧霞元君 使琉球雜錄

臣等謹案天妃宮今存其地名大橋北西河沿邨
濬碑文亦存

增東嶽廟在朝陽門外二里

畿輔通志

臣等謹案東嶽廟在朝陽門外

本朝康熙三十九年重建乾隆二十六年復加修葺正
殿額曰靈昭發育

聖祖御書又額曰嶽宗昭貺聯曰木德承天橐籥陰陽
甄品彙青祇司令監觀上下仰靈威寢宮額曰蒼

靈贊化聯曰作鎮統元居五岳之長資生合撰妙
萬物而神後層玉皇閣額曰碧霄宰化皆

皇上御書正殿院中恭立

聖祖御製碑文及

皇上御製碑文

原東嶽廟初自前元規制宏麗累朝歲時勅修編廟戶

守之

長安
客話

原朝陽門外有東嶽廟其塑像劉鑒手製墀中豐碑三

通其一為張天師神道碑趙文敏孟頫書其一為仁聖
宮碑虞文靖集隸書其一為昭德殿碑趙世延書

燕都
游覽

臣等謹案劉鑾應作劉元觀後條虞集道園學古
錄及陶宗儀輟耕錄可證其誤至鑾在元前別是
一人詳見

皇城天慶宮所引周簣析津日記條下廟內趙孟頫書
張留孫神道碑今存虞集書仁聖宮碑趙世延書

昭德殿碑今無攷

原廟在朝陽門外二里元延祐中建以祀東嶽天齊仁
聖帝正統中益拓其宇兩廡設地獄七十二司後設帝
妃行宮宮中侍者十百或身乳保或為妃治膳奉匱有
二浴盆受水數十石道士贊目疾者入洗帝妃前懸一
金錢道士贊入者投錢中則得子人罄所攜錢以出三
月二十八日言是帝誕辰都人陳鼓樂旌幟結彩為亭

閣藻帝出遊觀者塞路取醉松林乃歸

帝京景物略

增齊化門外有東嶽行宮此處昔日香燭酒紙最為利
益江南直沽海道來自通州者多于城外居止趨之者
如歸又漕運歲儲多所交易居民殷實

析津志

原大都南城長春宮都提點馮道頤始作東嶽廟于宮
之東謀于其徒曰不得劉正奉名手無以稱吾祠且正
奉嘗從吾徒遊將無靳乎即詣正奉言之正奉以前勅
未之許也是時廟未成民間以靈異禍福相恐動事未
甚顯灼馮去後正奉果恍惚若有所感者病不知人者

三日或為之禱乃起謂其門人子孫曰速為我御我且
之東嶽廟至廟疾良已會立廟事奏御正奉祝曰願親
造仁聖帝像既而疾大安又進秩二品益喜曰是神之
賜也因又造炳靈公司命君像而佐侍諸神有弗當其
意悲更之蓋幾有神助者仰瞻仁聖帝巍巍乎帝王之
度矣餘皆稱其神之所以名者初正奉欲造侍臣像心
計久之未措手也適閱秘書圖畫見唐魏徵像乃矍然
曰得之矣非若此莫稱為相臣者遽走廟中為之即日

成正殿仁聖帝兩侍女兩中侍四丞相兩介士其西炳
靈公兩侍女兩儀臣其東司命君兩道士兩仙官兩武
士兩將軍皆正奉之手善觀者知非他工所可雜其間
也長春之白雲觀金人汾王先生十一曜奇妙為世所
稱道今遂配之略不可優劣又上都三皇廟像尤古粹
造意得三聖人之微亦正奉之所造也

道園學
古錄

原劉元字秉元薊之寶坻人官至昭文館大學士正奉
大夫秘書監卿元嘗為黃冠師事青州杞道錄傳其藝

非一而獨長于塑天下無與比所謂搏換者漫帛土偶上而髹之已而去其土髹帛儼然像也昔人嘗為之至

元尤妙搏換又曰脫活京師語如此

輟耕錄

原唐開元十三年十一月壬辰封泰山神為天齊王唐會要

原宋大中祥符元年封禪禮畢詔加號泰山天齊王為仁聖天齊王五年詔加上東岳曰天齊仁聖帝文獻通考

原元至元二十八年春加上東岳為天齊大生仁聖帝

元史祭祀志

原後唐長興三年詔以泰山三郎為威雄將軍五代

會要

原大中祥符元年封禪畢親幸泰山三郎廟加封炳靈

公文
獻通考

增洪武三年詔定嶽鎮神號略曰為治之道必本于禮
嶽鎮之封起自唐宋夫英靈之氣萃而為神必受命於
上帝瀆禮不經莫此為甚今依古定制並去前代所封
名號五嶽稱東嶽泰山之神

明史
禮志

增京師所祭者九廟東嶽泰山廟在朝陽門外祭以三

月
同上

原正統十二年八月京師重建東嶽廟成

明英宗
實錄

增

聖祖御製東嶽廟碑文 京師朝陽門外向有東嶽廟

自元明迄今歷有年所康熙三十七年居民不戒而燬
于火其明年朕發廣善庫金鳩工庀材命和碩裕親王
董其事不勞一民不興一役經始于三十九年三月訖
工于四十一年六月不三歲而落成殿閣廊廡視舊加
飭焉夫五嶽為名山之長而泰山尤羣嶽之宗於時為
春於德為仁而其神之靈又能膚寸成雲霖雨天下故

諸嶽止祀于其方而泰山之祠徧宇內崇德報功所從來久矣朕即位以來殫心治理訪求民隱閱視河工屢經魯地皆命專官致祭凡以為蒼生祈福祉也茲朝陽既都城之巽位而東嶽廟又適在其地則因其方位之宜以隆望秩之典亦禮之可以義起者然則斯廟之成也神既得所憑依而民亦遂其瞻仰自茲以往風雨以節寒暑以時俾海宇得休養生息以共樂于豐穰之世庶于朕四十餘年惠愛黎元之意其稍有慰乎爰書重

建之歲月以昭示來茲云爾康熙歲次甲申冬十一月
上旬書

增

御製東嶽廟重修落成碑記
乾隆辛巳嘉平之望重
葺朝陽門外

東嶽廟藏工既親蒞落成會獻歲時巡南服道經

岱宗念往牒用事得失所由茲于有司請記而聞其義
曰古祀嶽之文壇而弗屋神而弗像升柴必以其方故

舉典稱望焉今四嶽各望乎境而

泰山之祠遍天下豈不以大生之德揚詡萬彙食則思
報國與民共之匪猶夫肆覲告功間時特行者比耶訟
禮者謂廟之肇興博綜輿志未有在宋大中祥符前者
其視委巷尸祝晉公而王晉王而帝踵事非制等爾夫
末俗位號崇奉為道流襲故不足論論天下立廟則彼
徇然岳麓者已自唐而具五矣亦豈有虞氏之舊哉獨
怪云云亭亭蒲輪蒞席以來不七十二代之訾議而惟

一廟為齟齬乎蓋神人之交非其道雖登山記封礪而不得謂之稟經如其道即祠饗逮方隅而不得謂之戾古宋臣蘇軾有言神在天下如水之在地中掘井得泉不得謂水專在是矧

東嶽長羣望而茲廟直朝陽以準易之出震齊巽又誰曰不宜斯役也距

皇祖四十一年

命將作庀事垂六十載于今斤甃其剝陟而叅壘其黝

昧三塗重廡式塏式完支費壹出內帑鳩工周一歲以
成皆得備書且為迎神送神歌麗諸樂石俾展時事

搏桑兮升暉碧霞縵兮承幃穆將兮天齊

叶

富媪兮堪春祺

神膚寸兮蕙雲旗迎肸鬐兮如幾謂茅脊其非芬兮木
禺詎肥羗奚多兮封泥 右迎神

壯天門兮四啟騰奉高兮東趾昭文像設兮新宮云歸
送將歸兮神歆只華輶禋禋兮百靈纚纚粦一元兮翊

三始青歲延喜兮黃圖薦祉
孫何為兮縣展 右送神

增乾隆二十八年

御製仲春東嶽廟瞻禮作 搏腕當年秘監稱震方

青帝用禋應岱宗望秩自虞帝宰執猶聞似魏徵有事

維新閱年久

廟葺于康熙四十一年因歲久剝落命工出帑興修乾隆辛巳落成茲謁 陵途

便復來瞻禮

所希盼蠻佑民蒸便途瞻禮欽

明赫時若虔祈錫福仍

原虞集東莪仁聖宮碑

延祐中故開府儀同三司上卿元教大宗師張留孫買地于大都齊化門外規以為

宮奉祀東嶽天齊仁聖帝仁宗皇帝開之給以大農之財辭不拜第降詔書護作方鳩工而留孫歿後闕年今特進上卿元教大宗師吳全節大發累朝賜金以成其先師之志至治壬戌作大殿作大門殿以祀大生帝前作露臺以設樂門有衛神明年作東西廡東西廡之間特起如殿者四以奉其佐神之尊貴者列廡如官舍各有職掌皆肖人而位之簾館于東以居奉祀之士總名之曰東嶽仁聖宮泰定乙丑魯國太長公主自京師歸其食邑之全寧道出東門有禱于大生帝出私錢鉅萬俾作神寢象帝與其妃夫人嫫侍之容天歷建元今皇帝即大位遣使迎大長公主于全寧還及國門皇后迎母于郊主禮神拜謁而後即其邸天子乃賜神寢名曰昭德殿云宮廣深若干畝為屋若干楹高大宏麗足以久遠歲時內廷出香幣致祭都人有所禱咸得至焉有勅命臣集撰文勒諸麗牲之碑其辭曰帝奠九土辨方秩祀封嶽維五威在天子有巖岱宗望之東郊雨雲

來敷曾不崇朝有壇有宮神師攸作蒼龍青旗百神祇
若天子神聖惠于民人賡言度思昭德維新丹檻朱戶
納陛登陟青青五組兼幣加璧禮有舉之祇益以因即
祠不違天子之仁徂洙有原新甫有隰樂具在廷逮耆
耋輯庖盈大享寢陳燕詩神具樂康以惠我私春日載
酒帝藉于邦以先農人祈我穡事我觀我校視通知遠
爾照爾澤自我畿甸相彼柔桑被于沃饒相彼元鳥亦
集其條澍澍流水駕言來徯受弓載獨思皇朱芾出其
闕闕士女車徒來尸來宗壽夭在予祐我民庶克修孝
弟以養以賦以受多祉兵校弗驚災厲弗嬰熙熙有生
以樂治平天子萬年成功則告刻文登封則有貞玉
道園學古錄

原趙世延昭德殿碑 古者天子祭天地山川歲徧稽
之虞舜二月東巡狩至于岱宗柴望秩于山川肆覲東
后歷羣岳如岱禮至冬乃畢秦漢以來時巡之禮或講
或輟鮮紹乎古矣禮五岳視三公至唐始封以王將司

馬承禎又請旁立真若祠宋因加帝號岱曰仁聖自是
祠徧郡國皇元有天下世祖皇帝歲遣使齎香帛詣祠
致祭至元辛卯加封大生手以祈純嘏以永皇圖壹百
嘉以厚民生也國初城大都規模宏遠祖往朝市廟學
官署無一不備獨東嶽廟未建元教大宗師張開府留
孫于延祐末買地城東擬建東嶽廟事既聞仁宗命政
府庀役開府辭曰臣願以私錢為之僅費國財勞民力
非臣之所以報効也上益嘉賞遂勅有司護持毋得阻
撓方得涓吉鳩工而開府遽厭世嗣宗師吳特進念師
志未畢竭心經營不惜勞費於至治壬戌春成大殿成
大門癸亥春成四子殿成東西廡諸神之像各如其序
而後殿則未遑也泰定乙丑嶽文懿福貞壽大長公主
東歸過祠有禱捐緡錢若干緡竟其所未竟者天曆改
元皇上入纂正緒主來朝適後殿落成事徹宸聽賜名
昭德命大司徒臣香沙奉宣玉音諭臣世延文諸貞珉
用昭悠久臣惟五氣流行木位東方四時順布春居歲

首仁者木之德生者春之用然則天地發育萬物之功皆本于東方故羣岳祀止方域而岱宗祠徧海宇雖與禮經稍殊然推原所以致人心嚮往之深者其在茲乎詩曰泰山巖巖魯邦所瞻泰山蓋魯之望也今主食邑于魯則諸侯得祭其山川在境內者以邦君之母有事于望祀宜乎神之聽之異于季氏之旅矣況際聖天子膺天景命百靈莫不受職其于默佑顯相宗社億萬年無疆之休者宜何如哉是宜為銘銘曰兩儀肇分元氣流行方岳莫位於赫厥靈巖巖岱宗惟魯之望時巡首途秩祀攸尚帝出乎震春育無窮仁聖大生代有褒崇相我國家熙洽民物昭民在上有禱弗弗貞壽之東歷祠捐金五襮未歸靈宇靖深帝曰休徵維天允棗悃幅全受若合符軌含齒戴髮罔不懽心天子萬年式詒來今曰雨曰暘母愆母忘有年屢書報祀無斁

按香沙

唐古特語肉鼻也舊作薊山今譯改

原吳登大都東嶽仁聖宮碑 天子祭天下名山嶽為

東山之宗岱又諸嶽之宗也東嶽泰山之有祠宜矣而古今祠祭禮各不同嶽者地祇也祭之以壇壇而弗廟五嶽四瀆立廟自拓跋氏始當時惟總立一廟於秦乾水之陰逮唐乃各立一廟于五岳之麓若東嶽泰山之廟偏天下則肇于宋氏之中葉古者祭五嶽之禮視三公蓋天者帝也地者后也諸神諸祇皆帝后之臣也天之日月地之嶽瀆臣之最貴者三公為臣之極品故祭之禮與公齊等祭之秩次如公而非以公爵爵之也唐先天開元間謂漢以來王亦爵也位公之右于是封嶽祇而爵之曰王宋大中祥符間致隆嶽祠猶以王爵為未崇極于是尊嶽祇而號之曰帝意在乎尊之而已禮之可不可有不暇計吁咈哉若神僭竊同天地所以起大賢之慨也既廟之又爵之既爵之又像之地祇而肖像若人焉至于今莫之或改也我世祖皇帝平一海內制作之事未遑尚仍前代之舊東嶽舊號天齊仁聖復加新號曰大生即縣並如金宋時有廟以祭東嶽大都

新築規模宏遠祖社朝市廟學官署無一不備獨東嶽廟未建元教大宗師張開府留跡職掌禱祀晨夕親密欽承上意買地城東擬建東嶽廟事既徹聞仁宗命政府庀役開府辭曰臣願以私錢為之倘費國財勞民力非臣之所以報効也上益加賞遂勅有司護持毋得阻撓方將涓吉鳩工而開府遽厭世嗣宗師吳時進全節深念師志未畢竭心經營不惜勞費于壬戌春成大殿成大門於癸亥春成四子殿成東廡西廡神像各如其序魯國大長公主捐資構後寢勅賜廟額曰仁聖宮特進以書來請記予觀先開府之報上恩今特進之繼師志忠敬出于一誠其美可書也而余因及古今祠祭循習之由以俟議禮者之討論方今襲累朝積德之餘際百年興禮之會明聖在上仁賢布列必將追復二帝三王之懿畫草魏唐金宋之馭其于東嶽也禮以地祇而不人其像尊比三公而不帝其號兆之如四望而不屋其祠廢踈于其方嶽而不偏祠于郡縣夫如是雖元聖

後生必無曾謂泰山不如林放之嘆乘太平之基新一代之典昭示萬世之法程斯其時矣何幸吾身親見之哉 吳文正集

原明英宗碑略

天下之嶽有五而泰山居其東民之

所欲莫大于生而東則生之所從始故書稱泰山曰岱宗以其生萬物為德為五岳之尊也廟而祀神于都城之東示欲厚民生也乃詔有司治故地于朝陽門外規以為廟中作二殿前名岱岳以奉東岳泰山之神後名育德俾作神寢其前為門環以廊廡分置如官司者八十有一各有職掌其間東西左右特起如殿者四以居其輔神之貴者皆肖像如其生又前為門者二傍各有祠以享其翊廟之神有館以舍其奉神之上廟之廣深凡若干畝為屋總若干楹蓋始于正統十二年五月落成于八月歲時致以香幣冀神運生生之機于無窮亦順民所欲之一也 明英宗實錄

原張居正勅修東嶽廟碑略

天下郡國皆有東嶽廟

而京師則廟朝陽門之東相傳唐時已有而國朝正統中益恢崇之讀睿皇帝所製廟碑大要歸于厚民生順民欲明德遠矣百餘年來廟寢頽圯聖母慈聖皇太后捐膏沐資若干皇上亦出帑儲若干工始于萬歷乙亥

八月周歲而落成

太岳集

增康熙庚辰三月朝陽門外東嶽廟災殿廡皆燼獨左右道院無恙廟中仁聖帝炳靈公司命君四丞相皆元時劉元所塑元最善搏換之法天下無與比至是皆燬於火

香祖筆記

補趙志臯勅修東嶽廟記略 都城朝陽門外里許有東嶽廟正統中勅建英宗皇帝御製碑在焉越百餘年而我皇上以聖母慈聖皇太后旨拓而新之惟時萬厯丙子迄今壬辰又十七年矣皇上寤寐靈威敬祀益虔復出帑儲命司禮監太監張誠選委內臣陳朝用繕葺藻飾更于寢殿左右作配殿緣以樓䟽前樹絳櫻賜額曰宏仁錫福經始于二月二十六日落成于次年三月

十一日上命立石廟廷詔臣志臯為之記六虛堂榮

臣等謹案明英宗碑及張居正趙志皋二碑俱存
吳澄李廷機碑俱無考

原元董宇定杏花園在上東門外植杏千餘株至順辛未王用亨與華陰楊廷鎮高安張質夫蒲陽陳衆仲讌集是日風氣清美飛英時至巾袖杯盤上人皆有詩虞

集為之記周伯琦揭傒斯歐陽原功和其詩

春明夢錄

補元東嶽廟有石壇繞壇皆告花道士董宇定王用亨先後居之張留豫弟子三十八人之二也虞道園城東

觀杏花詩明日城東看杏花丁寧兒子早將車路從丹
鳳樓前過酒向金魚館裏賒綠水滿溝生杜若暖雲將
雨少塵沙絕勝羊傅襄陽道歸騎西風雜鼓笳當時同
游者歐陽原功陳衆仲揭曼碩諸公果羅洛易之詩最
憶奎章虞閣老白頭騎馬看花來是也又嘗賦風入松
詞題之羅帕詞云畫堂紅袖倚晴酣華髮不勝簪幾回
晚直金鑾殿東風軟花裏停驂書詔許傳官燭香羅初
剪朝衫御溝水泮水按藍飛燕又呢喃重重簾幙寒猶
在憑誰寄金守泥城為報先生歸也杏花春雨江南柯
敬仲購得之裝潢作軸張仲舉為賦摸魚子詞紀其事
云記蘭臺舊時風景西樓燈火如畫嚴城月色依然好
無後綺羅游冶歡意謝向客裏相逢還有思陶寫金尊
翠尊把錦字新聲紅牙小拍分付倦司馬繁華夢喚起
燕嬌鶯姹肯教歌員元夜楚芳玉潤吳蘭媚一曲夕陽
西下沉醉罷君試問人生誰是無情者先生歸也但留
意江南杏花春雨和淚在羅帕自注楚芳吳蘭二妓名

兩公之詞皆極溫麗足為玉堂嘉話也 詞苑叢譚
補元時杏花齊化門外最繁東岳廟石臺羣公賦詩張
譙極為盛事果囉洛易之詩云上東門外杏花開千樹
紅雲繞石臺最憶奎章虞閣老白頭騎馬看花來至明
城東花事衰郊西漸盛萬厯後摩訶菴杏花多至十株
吾鄉朱太傅養醇詩云摩訶菴外袖吟鞭繁杏春間十
里田曾與春翁舊相識看花不費酒家錢欣平之日翰
苑風流後先一致也 正齋詩話
增吳師道城外見杏花詩 曲江二十年會回首芳
菲似夢中老去京華度寒食閒來野水看東風樹頭綠
雪飛還白花外青天映更紅聞說琳宮
更佳絕明朝攜酒訪城東 吳禮部集

臣等謹案杏花園今已無存

增東嶽廟真人張留孫碑為集賢修譔虞集纂學士承

旨趙孟頫書蓋序真人元教之所由始自張聞詩而下

及其徒陳義高凡八人皆贈真人

弇州山人稿

原東嶽廟南數百武即朝日壇壇外古松萬株森沉蔽

日都人所謂黑松林也

長安客話

原彌茂芝三月晦日遊東郊松林蝶戀花詞落盡棠

梨春已暮芳草多情纔過濛濛雨柳絮顛狂飛不住秋

千正在濃陰處廟口神絃初罷舞畫扇輕衫隨意城東

步笑逐鉦車歸去路酒香一行青松樹燕都遊覽志

原東嶽廟東五里許唐太宗東征高麗嘗屯兵于此虛

設困倉以疑敵人俗因呼其地曰謊糧臺

長安客話

增說糧臺在朝陽關六里許舊傳唐太宗東征高麗屯

兵虛設困倉以疑敵人

志名勝

原南北通法寺有勅建碑

明順天府志

臣等謹案通法寺今圯碑尚存

原朝日壇在朝陽門外繚以垣牆嘉靖九年建西向為制一成以春分之日祭大明之神壇方廣五丈高五尺九寸壇面用紅琉璃階九級俱白石櫺星門西門外為燎鑪瘞池西南為具服殿東北為神庫神厨宰牲亭燈

庫鐘樓北為遣官房外為天門二座北天門外為禮神坊西天門外迤南為陪祀齋宿房五十四門護壇地一

百畝

春明夢餘錄

原嘉靖九年禮臣率欽天監正夏祚等會看得朝陽門外三里迤北錦衣衛指揮蕭馱地東西闊八十一丈南北進深八十一丈堪建朝日壇從之

明嘉靖祀典

原春分祭大明于朝日壇間歲親祀以甲丙戊庚壬年行事大明之神位版金地朱書其祝文紅紙版朱書

同上

補馬世奇庵從東郊朝日詩 義馭輝黃道鑒與肅紫
宸轡離先視夜出震恰當春蒼壁王宮近元端帝座親朝

光開萬景雲起欲扶
輪 泥寧居詩集

增日壇在朝陽門外東郊制方西嚮一成方五丈高五
尺九寸面甃金磚四出陞皆白石各九級圓壇周七十
六丈五尺高八尺一寸厚二尺三寸壇正西三門六柱
東南北各一門二柱柱及楹闕皆白石扉皆朱櫺壇西
門外燎鑪一座坎一西北鐘樓一壇北門外東為

神庫

神厨各三間宰牲亭并亭各一北為祭器庫樂器庫棧
薦庫各三間西北為

具服殿正殿三間南嚮左右配殿各三間衛以宮牆宮
門三南嚮壇垣周二百九十丈五尺西北各門一皆三
間北門西角門一覆均綠色琉璃

會典 大清

增凡甲丙戌庚壬年親朝

日餘年均遣官致祭朝

日以卯時玉用赤璧禮神制帛一色赤牲用太牢樂七

奏用曦字舞八佾祝版純朱紙朱書祭器豆登簋簠
尊均用陶色赤祭兼用太羹和羹祭服

御大紅禮服

大清會典則例

臣等謹案朝

日壇祭器乾隆十三年

皇上親加審定

命所司製成用昭祇敬

增乾隆七年

論

日壇具服殿舊制建于壇南臨祭時必經過神路始至殿所似于誠敬之儀未協著將具服殿移建壇之西北隅其西北隅見有奉祀衙署即移于具服殿地基蓋造

大清會

典則例

增乾隆二十三年二月

御製朝

日壇禮成紀事六韻 朝

日東門外春分陽德雍躬親應戊歲祭禮遡

天宗在俎陳辭角承筐奠赤琮元端服惟盛大采意彌

恭三獻酌清齊旋宮奏夾鐘翹瞻壇壝煥

歲乙亥初修壇工至丁

丑春月瑞擁旭光濃

增乾隆三十九年

御製仲春朝

日壇禮成述事 天宗三復地宗三祭典惟崇冠五堪

況已多年執禮濶適當剛歲寸誠參榮光燭鼎祥烟鬱

和氣浮庖瑞露湛臨照炎精仰咫尺法欽陽德敢徒談

臣等謹案乾隆二十三年

御筆陳列

具服殿內屏風上三十九年

御筆懸

殿門內又

殿後楹

御書聯曰重帟祥風護中衡瑞采凝中楹

御書額曰明裡炳曜聯曰迎氣肅齋明光承離照順時
欽敬授典著寅賓

又案東郊

日壇之制自乾隆七年奉

諭移建

具服殿嗣於二十年復奉

音增葺

壇宇規模煥赫斟酌咸宜於大采祀儀為尤稱云

原宣德十年九月以齊化門外木廠曠地置花園草場

隸後軍都督府

明宣宗實錄

原月河梵院僧道深別院也池亭幽雅甲於都邑

春明夢餘

錄

原月河寺有三亭歲久皆圯聚景亭更破蓋在阜上高

出林杪風雨莫為障也破亭下有石琴

美具錄

原程敏政月河梵院記

月河梵院在朝陽闕南苜蓿

園之西苑後為一粟軒魯西墅道士所題軒前峙以巨

石西闕小門門隱花石屏屏北為聚星亭四面皆欄檻
亭東石盆高三尺夏以沈李浮瓜者亭前後皆石少西

為石橋橋西雨花臺上建石鼓三臺北草舍一楹曰希
占東聚石為假山峯四曰雲根曰蒼雪曰小金山曰壁
峯下為石池接竹引泉水涓涓自峯頂下池南入小牖
為槐屋屋南小亭中度鸚鵡石重二百斤色淨綠石之
似玉者凡亭屋臺池悉編竹為藩詰屈相通自一粟軒
折而南東為老圃圃之門曰曦光其北藏花之窖窖東
春意亭四周皆榆柳穿小徑以行東有板橋橋東為彈
琴處中置石琴上刻曰蒼雪山人作少北為獨木橋折
而西為蒼雪亭亭下為擊壤處有小石浮屠循坡陀東
上為灰堆山山有聚景亭望宮闕歷歷可指亭東曰竹
塢下山少南門曰看清結松為亭踰松亭為觀濶處遠
望月河水自城北逶迤而來觸斷岸潺潺有聲別為短
塢以障風雨曰考槃謝路旋而北門曰野芳少南為蝸
居東為北山晚翠樓苑僧道深通儒書宣德中住西山
蒼雪蒼賜號圓融密宗師後歸老乃營此自娛自稱
蒼雪山人 篁墩集

原李傑徐源陳瑀吳寬趙寬周庚六月望日月河寺聯
句勝遊不易得幸交朋豈前期夏雨適初霽

良以照浩然發遐想陳決矣來無疑久負社中約吳徒
勞林下思幸從長者後趙肯為明時遺聯鑣出南郭

戴酒臨東籬天空游氣淨李礪曲流泉潄鳴蟬翼自振
徐名驚羣相隨長沙披斷岸陳茂樹綠清池盤礴衣未

解吳起坐杯深持登高豁望眼趙披典掀吟髭遙岑青
作供月芳郊碧含瀟右顧城闕壯李下瞰川原卑衆盧

悠龍飲徐臧獲欣狂喜聚景北亭古陳壁現戎馬遲悠
悠晚日下吳漢漢源風吹仄行避叢棘趙窮入披荒茨

樾蔭夾修谷月苔花蝕殘碑人喧鳥聲寂李樹偃石丈
支細路渺微白徐暮雲堆重黛宴席苦留戀陳旋迹或

謀衣盤中雜野蔌吳鉢內分園葵賞心惜短景趙撫迹
傷多歧追歡匪難再周折簡君無辭李美具集

原蕭奎徐源李傑陳瑀周庚趙寬吳寬七月一日重遊
月河寺聯句新秋雨初霽蕭涼颶入林細徐散坐紛

簪裾李清吟繞簷砌陳人如竹林賢周飲比河朔創道
與衆樂雨忘吳漸予志相契蕭高雲冠逸客徐典氣埽
炎壇李樹杪出驚蟬陳潭心響游鯪周萬籟俄寂寥趙
重城宜迢遞吳平原縱遐瞻蕭古剎肆頻詣徐解帶懸
橫枝李尋幽履荒薺陳紀游得舊題周詠物嘉古製趙
吹竹憐老伶吳跳丸歎浮世蕭羣芳發鬱鬱徐連翠後
層巒李晚色恐歸人陳田苗喜吐穗周
聯鑪溪路長趙餘韻吾當贊吳同上

臣等謹案月河寺古名寶藏寺今尚存至明程敏

政記文所稱一粟軒聚星亭諸蹟已圯廢矣

原長慶寺隆壽寺俱有勅建碑在朝陽門外明順天府志

臣等謹案長慶寺今圯隆壽寺今存并有碑云

原至正二十七年六月長慶寺有龍經
繞槐樹飛去樹皮皆剝元史順帝紀

增東郭草亭在大興縣東南明興濟伯楊善別業歲輔通志

臣等謹案亭今廢

增楊溥東郭草亭燕集詩 芝蘭本同氣桃李自成蹊
感彼歲易邁肯與心賞違迨迨禁城東桑麥連重畦
瞻縱遐覽我懷浩無涯惠風煦澄景微雨泥芳姿人生
有至樂舉觴歌於斯明詩綜

增苗衷東郭草亭燕集詩 芳春候云暮暇日鳴玉鞘
羣公夙有約駕言適東郊冷鄉遠相近會此文字交
建俯亭沼次第陳觴肴疏花聚簷簷前好鳥
鳴樹梢脰茲百物遂樂飲忘歌嘲同上

補通州至京城中涂有高米店或呼高碑店按宋洪忠

宣皓松漠紀聞云潞縣三十里至交亭三十里至燕今

之高米店疑即古之交亭交高音譌也

潞沙
筆綴

原金盞兒淀在州北二十五里廣袤三頃水上有花如

金盞因名或云即古夏謙澤

方輿
紀要

原靈應寺最勝寺俱有勅建碑在鄭村壩

順天
府志

原正德二年五月命戶部查給最勝寺前馬房草場地
十頃與寺作香火且贍護太監錢喜錢福錢能墳塋劉

瑾所乞也明

武宗實錄

原御馬苑在京城外鄭村壩牧養御馬大小二十所相

距各四三里皆繚以周垣垣中有廐垣外地甚平曠羣馬畜牧其間生育蕃息

明一統志

臣等謹按鄭村壩即東壩又名壩上

原景泰三年二月造駝房三十間于鄭村壩

明景泰帝實錄

原天順四年閏月駕幸鄭村壩閱仗馬

明英宗實錄

原通州北二十里地名壩上成祖靖難與南兵戰失利

追兵甚逼前阻大溝成祖惶遽無措祝所騎青驄馬曰

汝能超此溝以脫吾厄否遂策馬連超三溝力盡遂死

後建馬神廟於壩上塑馬廟中與神同祭之歲久成怪

常夜出蹂踐禾黍居民苦之潛毀其像遂不復塑

燕山叢錄

原京師諸祭皆領于祠官惟壩上馬房別自建祠以元

旦冬至聖節遣內侍主祭光祿寺具品物不領于祠官

湯幢
小品

原太僕寺每年祭馬神在通州北四十里安德鄉鄭村

壩春祭在二月二十二日秋祭在八月二十八日前期

題請遣少卿一員行禮

問政
要覽

原王鑒重建馬神廟記

通州地高寒平遠泉甘草豐彌

望千里太宗皇帝詔作馬神廟在州之北地曰壩上鄉

曰安德旁為御馬苑凡二十所弘治九年三月重葺十

年二月告成銘曰牝牝國馬于甸之壁散馬如雲駢焉

如雨有廟言言在潞之陽始誰作之自我文皇有崇其

祀其自今始神始降祥人惟致喜昔在衛文亦有魯倍

心維寒淵思亦無期功以才興亦以情

毀琢石鏡辭爰告來禩王文恪集



欽定曰下舊聞考卷八十八

欽定日下舊聞考卷八十八舉正

嫫侍原書訛作嫫寺 遠者來輯原書者訛作于今

改虞集東嶽
神聖宮碑

緯撰原書緯訛作棹今改 李廷機勅修
東嶽廟碑略

旨原書訛作肯今改 趙志臯勅修
東嶽廟記略

欽定日下舊聞考卷八十八舉正